

Հետազոտական աշխատանք

<p>Կազմակերպության տվյալներ</p> <ul style="list-style-type: none"> • Անվանում, հասցե • Տնօրեն • Էլ.հասցե • Հեռախոս 	<p>«Մասնակցային դպրոց» կրթական հիմնադրամ Վահրամ Սողոմոնյան masnakcayindproc@gmail.com +37493581908</p>
<p>Հետազոտության</p>	<p>Հայոց ցեղասպանության ուսումնասիրությունը գործնական աշխատանքների միջոցով:</p>
<p>Ուսուցչի տվյալներ</p> <ul style="list-style-type: none"> • Անուն, ազգանուն, հայրանուն • Մասնագիտություն • Հեռախոս • Էլ. հասցե • Դասավանդվող 	<p>Սիրանուշ Էդուարդի Նազարյան Պատմության և հասարակագիտության ուսուցիչ siranushnazaryan93@gmail.com</p>
<p>Ուսումնական հաստատության տվյալներ</p> <ul style="list-style-type: none"> • Անվանումը, հասցե • Հեռախոս • Էլ. հասցե (տնօրենության) • Web կայքի հասցե 	<p>Բ.Ժամկոչյանի անվան թիվ 119 ավագ դպրոց Տիգրան Մեծ 64 010-56493 ecole119@mail.ru</p>

Պետք է լինի 1-2 էջ

Բովանդակություն

Ներածություն	2
Հիմնական բովանդակություն	7
Եզրակացություններ, առաջարկություններ	1
Օգտագործված գրականության ցանկ	
Հավելվածներ	7

1 Էջ

Ներածություն

<p>Նպատակը եւ հետազոտական հարցը</p>	<p>Նպատակը՝ գործնական աշխատանքներով (նկար, տոհմաճառ, կոլաժ, ընտանեկան պատմություններ) աշակերտների հետ ուսումնասիրել հայոց ցեղասպանության թեման: Թեմայի ուսումնասիրության ընթացքում ցույց տալ աշակերտների ներգրավվածությունը, ինքնուրունության դրսևորումը, արժեքային համակարգի ձևավորումը, ազգային արմատներին վերադառնալու ձգտումը:</p> <p>Հարցը հետևյալն է՝ Գործնական ի՞նչ աշխատանքներով կարելի է ուսումնասիրել հայոց ցեղասպանության թեման 11-րդ դասարանում:</p>
<p>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</p>	<p>1. մշակութային կարողունակություն</p>
<p>Հետազոտության թիրախային խումբը և շրջանակը /քանակ, սեռային բաշխում/</p>	<p>11-րդ դասարան աղջիկ տղա</p>

<p>Օգտագործված հետազոտական մեթոդները, գործիքները (օրինակ՝ քանական հետազոտություն՝ հարցաթերթիկի միջոցով, որակական հետազոտություն՝ հարցազրույցի միջոցով եւ այլն)</p>	<p>Ջետազոտական մեթոդ՝ դիտում</p>
<p>Ջետազոտության իրականացման ժամանակահատվածը</p>	<p>1 ամիս</p>

1-2 էջ

Հիմնական բովանդակություն

<p>Գրականության ակնարկ</p> <ul style="list-style-type: none"> • Մեջբերումներ արդեն արված հետազոտություններից, • Մեջբերումներ գրականությունից, 	<p>1. "Չայոց պատմություն" 11-րդ դասագիրք</p>
	<p>"Արևմտահայերի բռնագաղթը այլ բան չէր, քան քողարկված սպանոց: Չկա աշխարհում որևէ լեզու այնքան հարուստ և այնքան գունեղ, որով հնարավոր լիներ նկարագրել նման սարսափները":</p> <p>Ժակ դը Մորգան, Ֆրանսիացի գիտնական, 1917 թ.</p> <p>Լինել հայ նշանակում է ինքդ քեզ կարողանալ տեղավորել մեր ժողովրդի պատմական անցյալում: Անցյալի վերհիշումը ակտիվ, կառուցողական գործընթաց է: Մեր պատմությունը հաղթանակների, պարտությունների, ձեռքբերումների և կորուստների շղթա է: Այն պայմանավորված է արտաքին և ներքին գործոններով, աշխարհագրական դիրքով, զանազան այլ պատճառներով:</p> <p>Չայոց ցեղասպանության հիմնախնդիրը շարունակում է արդիական ու խոցելի մնալ յուրաքանչյուր հայի համար: Չայ ժողովրդի նկատմամբ հարևանների ցեղասպան քաղաքականություն շարունակվում է 21-րդ դարում էթնիկ գտում իրականացվեց Արցախում: Օրերս կայծակնային արագությամբ հայաթափվեց Արցախը: Բռնի տեղահանվածներ, խոշտնգվածներ, գաղթ, զոհեր, հայրենագրկում: Սա Թուրքիայում 20-րդ դարի սկզբում իրականացված ցեղասպանության անպատժելիության տրամաբանական շարունակությունն է:</p> <p>Չայրենասիրությունը չի սահմանափակվում միայն հայրենիքի նկատմամբ տաճած սիրով, ժողովրդի պատմական անցյալի հաղթանակներով հպարտանալով: Պակաս կարևոր չէ պատմությունից դասեր քաղելը, հայրենիքի ապագայի համար պատասխանատվությունը, դրա կերտման մեջ յուրաքանչյուրի ակտիվ մասնակցությունը:</p>

Դպրոցում պատմության նույնիսկ ամենահաջողված դասն ունի մեկ թերություն՝ այն սահմանափակված է ժամանակով: Եթե աշակերտները ցուցաբերում են մեծ հետաքրքրություն քննարկվող թեմայի նկատմամբ, ուսուցիչը կարող է կիրառել գործնական սխառտանքներ, որոնց կատարման համար ո՛չ ուսուցիչը, ո՛չ աշակերտը կաշկանդված չեն մեկ դասաժամի ժամանակային սահմանափակումով: Ինչպես նշեցինք, այս գործունեության նպատակը աշակերտների ստեղծագործական ունակությունների բացահայտումն է: Անհրաժեշտ է կազմել գործնական աշխատանքների շարք, որոնցից աշակերտն ինքը հնարավորություն կունենա ընտրել իր համար նախընտրելի աշխատանքը: Աշակերտների ընդգրկումը կատարվում է բացառապես կամավորության սկզբունքով, իսկ գործունեության էությունն ու թեման պետք է բխի աշակերտի նախասիրություններից: Այս գործունեությունը դպրոցականի կողմից նախընտրելի ուսուցման ձև, մեթոդ է, կապված աշակերտների լրացուցիչ կրթության հետ: Տարիների մանկավարժական գործունեությանս արդյունքում համոզվել եմ,որ պատմությունն առարկայի դասավանդման,նաև ուսուցանելու առաջնային նպատակը միայն չպետք է լինի սովորողներին որոշակի ծավալի պատրաստի,կադապարված գիտելիքի մատուցումը, հանձնարարություններ տալը,գնահատելը: Առարկայի ուսուցանումն առավել արդյունավետ է լինում,երբ այն լրացվում է անհատական, ստեղծագործական աշխատանքով, սեփական վերլուծությամբ, նաև կարծիքն արտահայտելու, և ստացած գիտելիքները կիրառելու հնարավորությամբ: Ցեղասպանությունը, լինելով սթրես, մասշտաբային ողբերգություն, անդամնալի հետք է թողել մեր ժողովրդի ազգային նկարագրին վրա :Յուրաքանչյուր հայ վերապրում է յուրովի, դրա արտացոլումն ժողովրդի պատմական հիշողության մեջ նպաստել է խնդրի միջսերնդային փոխանցմանը: Կոլեկտիվ հիշողությունը ակտիվ անցյալն է, որը ձևավորում է մեր ինքնությունը: Ազգային պատկանելության գիտանցումն ու ցեղասպանության մասին գիտելիքների ամկայությունը խոր հուզական հետք են թողնում ավագ դպրոցի աշակերտների մոտ, առաջ բերում բազմաթիվ հարցեր: Դեռահասը ինքնուրույն աշխատանքի միջոցով կարող է հստակ նկարագրել, վերլուծել ցեղասպանության

պատճառահետևանքային կապերը , գնահատական տալիս , իր ժողովրդի պատմության եւ մշակույթի կրող դառնում:

ԳՈՐԾԸՆԹԱՑԻ ԿԱԶՄԱԿԵՐՊՈՒՄ

Նախապես

- 1.Կազմել գործնական աշխատանքների տարբերակներ
- 2.Ըստ ուսումնական պլանի թեման անցնելուց 1 ամիս առաջ առաջադրանքները ներկայացնել աշակերտներին
- 3.Ամրագրել յուրաքանչյուրի ընտրած գործնական աշխատանքը
- 4.Պատասխանել աշակերտների հարցերին,և հարկ եղած դեպքում օգնել թեմայի ընտրության հարցում
- 5.Սահմանել աշխատանքները ներկայացնելու ժամկետ (2 _ 3 շաբաթ)
- 6.Աշակերտներին ներկայացնել գնահատման սանդղակը և չափանիշները
- 7.Աշակերտների ցանկության դեպքում ավելացնել նրանց նախընտրած թեման

ԳՈՐԾՆԱԿԱՆ ԱԾԽԱՏԱՆՔՆԵՐ

Թեմա՝ "Չայոց ցեղասպանություն"

1. Նկարներ (նկարել)
- 2.Կոլաժ
- 3."Խոսում եմ նախնիներիս նկարները"
- 4.Տոհմծառ
- 5.Մակետ
- 6."Իմ տոհմը վերապրել է....."
- 7.Սահիկաշար "Պապերիս երկիրը"

Աշխատանքների կատարման համար տրվել է 1ամիս ժամանակ, դրանք պետք է ներկայացվեն ամփոփիչ դասին :Պարտադիր է դրանք շնորհանդեսով ներկայացնելը:

ԱԿՆԿԱԼԻՔՆԵՐ

- 1.Չարգացնել աշակերտների ստեղծագործական ունակությունները:
- 2.Բացահայտել ստեղծագործական ձիրքով օժտված աշակերտներին:
- 3.Վեր հանել թեմայի վերաբերյալ յուրաքանչյուրի անհատական պատկերացումները, վերաբերմունքը:
- 4.Կոլեկտիվ աշխատանքի փորձի ձեռքբերում:
- 5.Ինքնագնահատականի բարձրացում:

6.Պատմական հիշողության նորովի ընկալում մեկնաբանում:

7.Թեմայի յուրովի վերլուծություն՝ կախված ընտանեկան դաստիարակությունից և սեփական արմատների գիտակցումից:

8.Նոր թեմայի շուրջ լրացուցիչ գիտելիք ձեռք բերելու ցանկություն գարգացնելը:

ՆԿԱՐՆԵՐ

Չափազանց հետաքրքիր արդյունք գրանցեցինք : Մի խումբ աշակերտներ ընտրել էին "Ցեղասպանություն" թեմայով նկարելու առաջադրանքը:Յանձնարարված էր ներկայացնել իր պատկերացումները, գգացողությունների նկարների միջոցով, չկային սահմանափակումներ: Անհրաժեշտ էր գեղարվեստական պատկերի միջոցով ներկայացնել սեփական պատմական հիշողությունը և հույզերը վաղուց տեղի ունեցած իրադարձությունների վերաբերյալ: Առաջադրանքների ընտրության փուլում աշակերտները, ընտրելով իրենց նախընտրական առաջադրանքը, ինքնակամ ընդգրկվեցին վերը նշված գործընթացում: Ինչպես գիտենք , գեղանկարչության հիմնական նպատակը գեղագիտական հաճույք, մտորում առաջացնելն է: Երեխաների նկարած նկարներին հատուկ է անկեղծությունը, հուզակնությունը...

Գործնական աշխատանքների ամփոփիչ դասին 11/6 դասարանի մի խումբ աշակերտներ ներկայացրին "Ցեղասպանությունն իմ աչքերով " թեմայով աշխատանքները: Գաղափարները,մոտեցումները տարբեր էին,մտածված:

Աշխեն Մատինյանի "Մերոնք" նկարը նվիրված էր իր տատիկի մոր գերդաստանին, որից միայն չորսն են փրկվել և ապաստանել Հայաստանում: Գերդաստանի խորհրդանիշը նա ընտրել է ծաղկած ծիրանենին, որը ապագայում "բերք" տվեց Մայր հայրենիքում: Նկարի անկյունում տատի մոր լուսանկարն է: Աշխատանքը ներկայացնելուն զուգահեռ նա պատմեց իր գերդաստանի պատմությունը: Սա լավագույն աշխատանքներից մեկն էր:

"Հայի աչքեր" նկարի հեղինակը Նելլի Մարգարյանն է, որը 2020թ. պատերազմի արդյունքում ապաստան է գտել Հայաստանում: Հաղորդից է, չի սիրում դաս պատմել, քչախոս է, ինքնամփոփ: Աշխատանքը կատարեց սիրով և մեծ պատասխանատվությամբ: Ցուցաբերեց ակտիվություն, սկսեց համագործակցել դադընկերների

հետ, հաճախ ժպտալ, շփվել դասընկերների հետ: Նրա մեկնաբանմամբ այս կինը մեր ժողովրդի հավաքական կերպարն է, որի աչքերում իր ժողովրդի վերապրած ողբերգությունն է: Նա նաև ներկայացրեց Արցախից տեղահանվելու իր ընտանիքի պատմությունը:

"Դատաստան" նկարի երկկողմանի է: Մի դեպքում խաբված, սրբադասված հայ նահատակներն են նրանց ոտքերի տակ՝ ցեղասպանության հեղինակ երիտթուրքերը: Նկարը թեքելու վերնում որոշում ընդունողներն են, իսկ ներքևում ոտքերից կախված հայերը: Դասարանում այս նկարը ներկայացնելիս լռություն էր:

Ի՞նչ տվեց այս աշխատանքը:

Այն նպաստեց աշակերտների առանձնահատուկ ընդունակությունների բացահայտմանը, որոնք հիմնականում հնարավոր չէ տեսնել ստանդարտ դասապրոցեսի ժամանակ: Գերազանցիկ մի շարք աշակերտներ պասիվ էին : Դրան հակառակ , վատ սովորող մի շարք աշակերտներ ցուցաբերեցին ստեղծագործական ակտիվություն: Որոշ դեպքերում նկարի թեման առաջարկում էր մեկը, նկարում՝ մեկ ուրիշը: Եվ այս ճանապարհին մենք ականատես եղանք մեծ բացահայտումների: Ամիսներ շարունակ պատմության դասերին պասիվ, լռակյաց աշակերտները, որոնք մշտապես պատճառաբանում էին, որ ցածր դասարաններից սկսած ունեն արտահայտվելու խնդիր, նկարների միջոցով դրսևորեցին թեմայի խորը իմացություն:

Որոշ նկարներում առկա է ընդգծված ագրեսիա թուրքերի նկատմամբ, ունեն խորը բովանդակություն, գաղափարներն ու գնահատականները համարձակ են: Բոլոր նկարները ունեցան հուզական խորը ներգործություն:

Ցեղասպանության թեմայով նկարներում հիմնականում գույներն օգտագործվում են միանշանակ: Օրինակ՝ թուրքերին նկարելիս գերիշխում է սևը, հայերին՝ 'կարմիրը': Կարմիր կակաչներ, դրոշներ, կիսավեր եկեղեցի, խաչքար, տապանաքարերը, յաթաղան, կախաղան, նուռ, ծաղկած ծիրանի ծառ ,հայի աչքեր այս սիմվոլները առավել հաճախ էին օգտագործվել: Այս առաջադրանքը կատարելիս մեծ է ուսուցչի դերը: Պետք է կարողանալ ճիշտ ներկայացնել ակնկալիքները, խրախուսել հետաքրքիր գաղափարները, հարկ եղած դեպքում խորհուրդ տալ խուսափել այնպիսի

տեսարաններ պատկերելուց, որոնք կարող են բացասական հոգեբանական ազդեցություն ունենալ դեռահաս դիտողի վրա: Չափազանց կարևոր է խուսափել աշակերտի վրա ճնշում գործադրելուց, խանգարել նրա ակտիվ մտածողությունը, թույլ տալ պաշտպանել և իրականացնել սեփական պատկերացումները: Այս դեպքում նկարները կստացվեն ավելի անկեղծ, խոսուն, ազդեցիկ, ինքնատիպ:

ՏՐՄԱԾԱՌ

Աշակերտին ազգային ինքնության հետ կապող առանձին օղակը ստեղծում են ընտանիքն ու սեփական տոհմի պատմությունը:

Ցեղասպանությունը վերապրողների անցյալի փորձն ուղիղ կապով ներթափանցած է ծնողների դաստիարակության ոլորտ:

Ցեղասպանության փաստի ընկալումը սերտորեն կապված էր աշակերտների ընտանիքների անհատական պատմությունների հետ: Նախ բոլորին հանձնարարված էր գծել սեփական տոհմածառը: Երբ խոսքը գնում էր սեփական ընտանիքի, հարազատների մասին, նրանք իրենց զգում էին ցեղասպանության անդառնալի հետևանքների կրող, չնայած իրենք անմիջականորեն չէին մասնակցել այդ իրադարձություններին: Նրանցից շատերը սկզբում իմ հարցին, թե արմատներով որտեղից են, պատասխանել էին՝ Երևանից: Սակայն հաջորդ դասին, իրար ընդհատելով, պատմում էին, ներկայացնում իրենց բացահայտումները: Կարծում եմ՝ սա կարևորագույն դաս էր ողջ կյանքի համար:

ԿՈՆՍԺ

Այս առաջադրանքը իրենց առաջարկով կատարեցին մի խումբ աշակերտներ: Նախապես ընտրել էին աշխատանքային նյութերը, կատարել աշխատանքի բաժնում, ընտրել խմբի ղեկավար, որը համակարգում էր գաղափարներն ու աշխատանքը: Ստացանք հրաշալի արդյունք: Ամենակարևորը այն է, որ աշակերտները մեծ հետաքրքրությամբ և պատասխանատվությամբ էին կատարում տրված առաջադրանքները: Ավարտին՝ նրանք ցանկություն հայտնեցին հաջորդ գործնական աշխատանքի դեպքում աշխատել նույն խմբով:

ՄԱԿԵՏ

Այս գործնական աշխատանքների հիմքում աշակերտները դրել էին հայրենիքի, ընտանիքի, հավատի

	<p>գաղափարները: Յոթ որդով սեղան նստող համերաշխ ընտանիքը թուրք բարբարոսների զոհ է դարձել: Սեղանին մոր կողմից սիրով դասավորված սպասք է, կոտրված աթոռները ընկած: Իսկ կարմիր կակաչները նահատակված ընտանիքի անդամներն են (հավելված մակետ):</p> <p>Մյուս աշխատանքում հայի տունն է ու եկեղեցին: Թշնամին, ինչպես այսօր Արցախում, հայոց դրոշի փոխարեն իր դրոշներ է կանգնեցրել (հավելված մակետ): Այս երկու աշխատանքները ավելի քան արդիական են, խոսուն, շատ տպավորիչ:</p> <p>Մարիամ Կարապետյանի աշխատանքը նվիրված ցեղասպանության ճանաչած երկիներին (հավելված մակետ):</p> <p style="text-align: center;">ՆԱԽՆԻՆԵՐԻՍ ՆԿԱՐՆԵՐԸ ՊԱՏՄՈՒՄ ԵՆ</p> <p>Ներկայացրին Նկարներ և ցեղասպանությունը վերապրած ազգականների գաղթի պատմությունները (հավելված՝ նկարներ):</p> <p style="text-align: center;">ՍԱՅԻԿԱՃԱՐ "ՊԱՊԵՐԻՍ ԵՐԿԻՐԸ"</p> <p>Սերգեյ Խաչմանյանը և Դավիթ Թառանյանը սահիկաշարի միջոցով ներկայացրին Արևմտյան Հայաստանի հայկական պատմամշակութային ժառանգությունը:</p>

Մոտավոր 10 էջ

Եզրակացություններ, առաջարկություններ

<p>Վերհանված արդյունքներ, եզրակացություններ, պատասխան հետազոտական հարցին</p>	<p>ԱՐԴՅՈՒՆՔ</p> <p>1.Նպաստեց կարծրատիպերի հաղթահարմանը:</p> <p>2.Նպաստեց աշակերտների ինքնաարտահայտմանը,ինքնագնահատական բարձրացմանը:</p> <p>3.Ուսուցչին աշակերտներին ավելի լավ ճանաչելու և գնահատելու հնարավորություն տվեց:</p> <p>4.Դասարանում ձևավորվեց փոխօգնության մթնոլորտ:</p> <p>5.Առաջացավ առավել ակտիվ լինելու ցանկություն:</p> <p>6.Բերեց սեփական ուժերի նկատմամբ հավատի: Այս գործնական աշխատանքների շարքը համարում եմ շատ արդյունավետ: Ցեղասպանության թեման անցնելիս պարբերաբար կօգտագործեմ դասավանդման այս մեթոդը:</p>
<p>Այլ տեղեկատվություն</p>	

1-2 էջ

Օգտագործված գրականության ցանկ

- 1.Մ.Գարագաշեան,Ցեղասպանության հոգեցնցումն ու ազգային ինքնությունը:Յոգեբանական վերլուծություն,Երևան,2006
- 2.Յ.Ս.Մարության,Հիշողության դերն ազգային ինքնության կառուցվածքում.տեսական հարցադրումներ,Երևան,"Նորավանք"

Հավելվածներ

Հաշվետվության կցված նյութեր

- Հետազոտության գործիքներ (հարցաթերթիկներ կամ այլ)
- Նկարներ
- Արդյունքներ

Մեջբերում Լալա Կիրակոսյանի "Իմ գերդաստանը վերապրել է..." աշխատանքից . "Պապիկիս տատը պատմում էր .Մեր ընտանիքը բազմանդամ էր ' հայրս,մայրս,երեք եղբայրներս և երկու քույրերս:Ամենափոքր ես էի' ութ տարեկան:Ապրում էինք Աֆիոն Գարահիսարում,որտեղ հայերեն խոսողի լեզուն կտրում էին:
1920թ....գաղթ,փախուստ...:Հայրս կողպեց 3 -հարկանի տան դուռը: Մոդանիա նավահանգիստ հասանք հրաշքով: Մարդկանց ծանրությունից նավամատույցը կտրվեց: Խեղդվեցին ջրում հայտնվածները, մնացածին կտտորեցին տեղ հասած թուրքերը: Աչքիս առաջ կորցրի ողջ ընտանիքս :Փրկվեցին միայն 10 հայ, այդ թվում՝ ես..":





